

 <p>Liberté • Égalité • Fraternité RÉPUBLIQUE FRANÇAISE MINISTÈRE DE LA JUSTICE</p>	<p>OBAVJEŠTENJE O PRAVIMA Predato osobi koja je saslušana svojevolumno (Opšti formular)</p>
--	--

Dolje navedene informacije moraju vam se dati na jeziku kojeg razumijete.

Obavještavamo vas da ćete biti saslušani jer postoji velika mogućnost da ste počinili ili pokušali da počinite prekršaj.

Imate pravo znati pretpostavljane kvalifikacije, datum i mjesto vezane za djelo koje vam se stavlja na teret.

Imate pravo da mjesto saslušanja napustite u bilo kojem trenutku.

PORED TOGA, OBAVJEŠTAVAMO VAS DA IMATE PRAVO DA:

dajete izjave, odgovarate na pitanja ili šutite.

Kada potvrdite dvoj identitet, imate pravo da, nakon saslušanja:

- dajete izjave,
- odgovarate na pitanja koja vam se postave,
- ili da šutite.

Pravo na advokata

Ukoliko prekršaj koji ste počinili spada u zločine koji se kažnjavaju zatvorskom kaznom, tokom konfrontacije ili saslušanja imate pravo na advokata.

- **Izbor advokata**

Možete zatražiti advokata po svom izboru. Ukoliko niste u mogućnosti sami sebi odrediti advokata ili odabranog advokata nije moguće kontaktirati, možete zatražiti da vam se odredi advokat iz advokatske komore.

Troškove ćete snositi vi, osim ako ispunjavate uslove pristupa pravnoj pomoći koji su naznačeni u dodatku dokumentaciji koja vam je predana.

- **Pomoć advokata**

Advokat će moći:

- sastati se sa vama u uslovima koji garantuju povjerljivost sastanka;
- i prisustvovati vašim saslušanjima i konfrontacijama.

Možete prihvatiti da nastavite saslušanje bez prisustva advokata.

Pravo na prevodioca

Ukoliko ne govorite ili ne razumijete francuski jezik, imate pravo na besplatnu pomoć prevodioca tokom vaših saslušanja, konfrontacija i za komunikaciju sa advokatom.

Pristup nekim dijelovima vašeg dosjea

Na vaš zahtjev ili na zahtjev vašeg advokata, možete zatražiti da pogledate zapisnike sa vaših saslušanja i konfrontacija.

Korištenje pravnih savjeta

Imate pravo da iskoristite, ako je potrebno i besplatno, pravne savjete u strukturi pristupa pravu čiji su vam podaci prenijeti u dodatku dokumentaciji.